



МЕСЯЦА ОКТЯБРЯ В 6-й ДЕНЬ

Святаго и славнаго апостола Фомы́

НА ВЕЧЕРНИ

Блажен муж: 1-й антифон. На Господи, воззвах:
стихиры на 8, глас 4.

Подобен: Яко добля:

Ребру́ прикоснулся, всеблаженне, Влады́чню, /
добрых постигл еси крайнейшее: / яко бо губа
во́ды, оттуду почерпл еси / источник благих и
жизнь вечную / и напоил еси изсохшая сердца
неведением, / Божественнаго Боговѣдения исто-
ча́я догматы.

Верным неверствием твоим верных известил
еси, / яко Бога и Господа всея твари начен
Богословити, / плоть понесшаго нас ради земных /
и Крест же, и смерть претерпевшаго, / и пронзе-
ние гвоздѣй, и копием ребр прободѣние, / от
нихже жизнь почерпаем.

Фома чудный источник отвѣрзе догматов, Вла-
дыко, Богомудрым: / ребру́ бо прикоснулся
Твоему, / сугубу дѣйству, существы́ сугубыми по-
добно научився и возопи: / Ты Бог мой еси и
Владыка, / Ты и Господь Славы, / мене ради плоть
быв.

Слава, глас 6. Студитово:

Яко слуга Слова и неизреченнаго воплощѣния
Его, / глубину́ мудрости почерпл еси, Фомо́
апостоле: / тростию бо креста возводя из глуби-
ны́ прелести, души уловил еси. / Отнюдуже мре-

жею твоих догматов всю просветил еси вселенную / и светом знания индiан помраченныя души просветил еси. / Тем Славы Христовы светло наслаждаяся, / Того моли помиловати души наша.

И ныне, Богородичен: Кто Тебе не ублажит:

Вход. Прокимен дне. Чтения три.

Соборнаго послания Иоаннова чтение (глава 1):

Еже бе исперва, / еже слышахом, еже видехом очима нашими, / еже узрехом, и руки наша осязаша, о Словеси Животнем. / И Живот явися, и видехом, и свидетельствуем, / и возвещаем вам Живот Вечный, Иже бе у Отца и явися нам. / Еже видехом и слышахом, повѣдаем вам, да и вы общение имате с нами: / общение же наше со Отцем и с Сыном Его, Иисусом Христом. / И сия пишем вам, да радость ваша будет исполнена. / И сие есть обетование, еже слышахом от Него и повѣдаем вам, / яко Бог Свет есть, и тмы в Нем несть ни единыя. / Аще речем, яко общение имамы с Ним, и во тме ходим, лжем и не творим истины. / Аще же во свете ходим, якоже Сам Той есть во свете, общение имамы друг ко другу, / и Кровь Иисуса Христа Сына Его очищает нас от всякаго греха.

Соборнаго послания Иаковля чтение (глава 1):

Иаков, Богу и Господу Иисусу Христу раб, / обеманадесяте колѣнома, иже в разсеянии, радоватися. / Всяку радость имейте, братие моя, егда во искушения впадаете различна, / ведяще, яко искушение вашей веры соделовает терпение. / Терпение же дело совершенно да имать, / яко да будете совершени и всецѣли, ни в чемже лишени. / Аще же кто от вас лишѣн есть премудрости, да просит от дающаго Бога всем нелицеприѣмне и не поношающаго, и дастся ему. / Да просит же верою, ничтоже сумняся: / сумняйся бо уподобися волнению морскому, ветры возметаему и развеаему. / Да не мнит бо человек он, яко примет что от Бога. / Муж двоедушен, неустроен во всех путех своих. / Да хвалится же брат смиренный в высотѣ своей, / богатый же во смиреніи своем, зане, якоже цвет

травный, мимоидет./ Возсия бо солнце со знобем и изсуши траву, и цвет ея отпадe, и благолепие лица ея погйбе./ Сице и богатый в хождeнии своем увядает./ Блажен муж, иже претерпит искушение,/ занe искусен быв, приимет венец жизни,/ егoже обеща Бог любящим Его.

Соборнаго послания Иудина чтение (глава 1):

Иуда, Иисусу Христу раб, брат же Иакову,/ сущим о Бoзе Отце освященным, Иисус Христом соблюденным званым./ Милость вам, и мир, и любви да умножится./ Возлюбленнии, всяко тщание творя писати вам о общем спасении вашем,/ нужду возимех писати вам, моля подвизатися о преданней вере святым единою./ Привидоша бо нецыи человецы (древле представлении на сие осужденные) нечестивии,/ Бога нашего благодать прелагающи в скверну/ и Единого Владыки Бога, и Господа нашего Иисуса Христа отметающися./ Воспомянути же вам хочу, ведущим и вам единою сие,/ яко Господь люди от земли египетския спасe, последи неверовавшия погуби./ Ангелы же, не соблюдшия своего начальства, но оставльшия свое жилище на суд великаго дне, узамы вечными под мраком соблюде./ Якоже Содома и Гоморра, и окрестныя их грады,/ подобным им образом преблудивше и ходивше в след плоти инья,/ предлежат в показание огня вечнаго, суд подьемше./ Вы же, возлюбленнии, поминайте глаголы преждедеченныя от апостол Господа нашего Иисуса Христа./ Зане глаголаху вам, яко в последнее время будут ругатели, по своих похотех ходяще и нечестиих./ Сии суть отделяюще себе (от единости веры и суть) телесни, Духа не имуще./ Вы же, возлюбленнии, святою вашею верою назидающе себе, Духом Святым молящися,/ сами себе в любви Божией соблюдайте, ждуще милости Господа нашего Иисуса Христа в жизнь вечную./ И овех убо милуйте, разсуждающе,/ овех же страхом спасаите, от огня восхищающе./ Обличайте же с боязнию, ненавидяще и яже от плоти оскверненую ризу./ Могущему же сохранити вы без греха и без скверны и поставити пред славою своею

непорочных в радости, / Единому Премудрому Богу и Спасу нашему (Иисусом Христом, Господем нашим), слава и величие, / держава и власть прежде всего века, и ныне, и во вся веки. Аминь.

Аще настоятель изволит пети литию,
стихира храма и апостола, глас 4.

Подобен: Яко дѡбля:

Трѡстию благодати от глубины суетства чловеки извлекл еси, досточудне, / Учителя манием повинувся, Фомѡ, / просвещаго по всему твое разумение, / и апостола, и чѣстна Богоглагобьника тя, всеблаженне, показавша / Того Непостижимаго Божества.

Духа сияние на тя сниде во огненне виде / и тя, блаженне, Божественное приятилице содела, / скоро отгоняща безбожия мглу и мир просвещающа сиянием всемудрых твоих словес, / тайноглагобьниче, апостолов украшение, / Христов самовидче, блаженне.

Молниями проповедания во тме седящия невѣдения, славне, просветив, / показал еси сыны Владыки и Бога веры ради. / Егоже страстем ревновал еси и смерти / и славы был еси наследник, / яко мудр и Богоглагоблив, яко ученик Истины.

Слава, глас 2:

Оставив земная, последовал еси Христу / и, знаменався дохновением Святаго Духа, / послан быв от Него в языки погибшия / обрати чловеки во свет Богознания, апостоле Фомѡ, / и, скончав подвиги Божественныя твоея страсти и мук различных, / душу твою Христу предал еси. / Того моли, всеблаженне, даровати нам велию милость.

И ныне, Богородичен:

Все упование мое / на Тя возлагаю, Мати Божия, / сохрани мя под кровом Твоим.

На стиховне стихиры, глас 4.

Подобен: Дал еси знамение:

Якоже бисера, ты из пучины изыят мирскаго смущения / Христос Человеколюбец, тобою обогатив обнищавшия / и нищетою лютых одержимыя, Фомѡ апостоле. / Тем ты ублажаем и всепраздн-

ственную память твою во хвалении сла́вим, /
благочестно тя почитающе.

Стих: Во всю землю изыде вещание их / и в
концы вселенная глаголы их.

Индийскую просветил еси всю землю, священ-
нейше и Боговѣдче апостоле: / просветив бо вся,
сыны соделал еси света и дне, теми в дѹсе,
мѹдре. / Идольския же храмы низложив, / воз-
двигл же еси благодатию Бога в славу и хвалу
Церкви, блаженне, / молитвенниче о душах
наших.

Стих: Небеса повѣдают славу Божию, / творе-
ние же руку Его возвещает твердь.

Рукою любопытною / Божественная ребра ис-
пытав и гвоздей язвы, / яже Безсмертный нас
ради подъят, / и неверие преложив радостне во
благовѣрие, / Фомѹ, возопил еси: / Ты еси Бог и
Господь, и Тя славлю, Человеколюбче, / страсть-
ми источившаго верным безстрастие.

Слава, глас 6. Анатолиево:

Божественная видя Христовы мудрости, / ум-
ный показался еси кратѣ тайнственно, Фомѹ
апостоле, / в немже верных души веселятся: /
Божественною бо мрежею Духа люди возвлекл
еси из глубины отчаяния. / Темже от Сиона, яко
река благодати, изшел еси, / твоя источающая
Божественная догматы во всю тварь. / Тем Хри-
стовым страстем подбояся, в ребра прободен был
еси, / во мрак вшед нетления. / Того моли спасти-
ся душам нашим.

И ныне, Богородичен: Богородице, Ты еси лоза:

Тропарь, глас 2:

Ученик Христов быв, Божественнаго собора
апостольскаго сопричастник, / неверствием бо
Христово Воскресение известив / и Того пречи-
стую страсть осязанием уверив, Фомѹ
всехвальне, / и ныне нам проси мира // и велия
милости.

Слава, и ныне, Богородичен.

НА УТРЕНИ

На Бог Господь, тропарь дважды. Слава, и ныне, Богородичен
воскресен. По 1-й стихологии седален, глас 5.

Подобен: Собызначальное Слово:

Апостола вси и ученика Христова / восхва́лим

пѣсньми в память его:/ Боголепно бо наша помышления,/ той язвы гвоздей осязав,/ известную веру изыскавъ, утверди в мире/ и молит Спаса помиловаться душам нашим.

Слава, и ныне, Богородичен:

Из Тебе, воплощеннаго Бога и Господа,/ нас ради, истлевших согрешеньми,/ Того моли присно ущедрити ны и отвратити ярость и гнев Его, Чистая,/ от вопиющих верою непрестанно/ величия Твоя, Благодатная.

По 2-й стихологии седален, глас 4.

Подобен: Вознесыйся:

Осязав ребра Спасова и почерп от них Божий разум, славне апостоле,/ земныя привлекл еси неверием твоим верныя на веру;/ копиями же бодом по всему телу,/ просвещаеши всех души,/ похваляющих святое усение твое.

Слава, и ныне, Богородичен:

Надеждо непостыдная надеющихся на Тя,/ Едина Рождшая паче естества плотию Христа Бога нашего,/ Того со святыми апостолы моли/ подати вселенней очищение прегрешений/ и всем нам прежде конца жития исправление.

По полиелеи седален, глас 3.

Подобен: Божией вере:

Божия Духа светозарением тьму разрушил еси многобожия/ и верных сердца просветил еси,/ воспев спасенная повеления, апостоле Фомо премудре./ Христа Бога моли даровати нам велию милость.

Слава, и ныне, Богородичен:

Кийждо, идеже спасается, тамо праведно и притекает;/ и кое иное таковое прибежище, яко Ты, Богородице,/ покрывающее души наша.

Степенна, 1-й антифон 4-го гласа. Прокимен, глас 4: Во всю землю: Стих: Небеса поведают: Всякое дыхание: Евангелие от Иоанна, зачало 67.

По 50-м псалме стихира, глас 4:

Христос, великое Солнце,/ лучу ты многосветлую во Индию посылает,/ мрачную лествь, таиниче, вскоре разгоняющая,/ Фомо премудре апостоле,/ и люди просвещающая Троицу почитати Божественную,/ Еюже вси сохраняемся.

Канон Богородицы, со ирмосом на 6,
и апостола на 8, егоже краегранесие:

Чудес полному Фоме дивлюся. Феофаново. Глас 4.

Песнь 1

Ирмос: Трискаты крепкия, / Рождейся от Девы, / безстрастия во глубине / души тричастное потопи, молюся, / да Тебе, яко в тимпани, / во умерщвлении телесе / победное воспою пение.

Безначальна Сына Божия, / Бога Слова, являшагося на земли, зраком Сущим по нам, / Егоже видел еси, славне, / Егоже и руки дланию, и ребро осязал еси, / умоли спасти паству твою.

Знатель тайных, / и утробы истязуй, и сердца испытуй, / Бог мой Иисус, ты, Фомо всеблаженне, / Своего Богоявления служителя, и свидетеля, / и апостола Божественна прият.

Вод таинственных река ты показался еси, / напаяющая, Фомо, лице земли; / церковный же сонм струями Богознания и шумом Духа / многобожную прелесть отгнал еси.

Богородичен:

Смерти и тли потребительница сущи, / нетления источник рождающая, Христа, / Богородице Всепетая, / и бессмертия украсившаго благодатию / человеческого естество, Пречистая.

Катавасия: Отверзу уста моя:

Песнь 3

Ирмос: Не мудростию, и силою, и богатством хвалимся, / но Тобою, Отчею Ипостасною Мудростию, Христе: / несть бо свят, паче / Тебе, Человеколюбче.

Добродетели добротой благолепен сый подобяся самовидче, и чудеса, / индийцев зловидное светом Божественным озарив, / и верою просветил еси тех помрачение.

Зарею разжегся самодетельством Духа, / яко стрела Богосветлая, послан был еси, Богоприятне, / и мир просветил еси, Фомо, чудеса.

Тайнонаучен Божественныя мудрости догматом, / якоже скорость молнии преходящая, апостоле Фомо, / светом просветил еси мира концы.

Богородичен:

Неискусобрачная, Бога плотию рождши, /

страстей прилоги колеблема мя утверди:/ несть бо, Пречистая, разве Тебе помощницы.

Седален, глас 8.

Подобен: Премудрости:

Мрѣжею словес Божественных рыбы уловив словесныя,/ сия принесл еси начаток Богу нашему,/ и в Христовы язвы желая облещися, подобник страсти Его явился еси./ Тем, сошедшея по долгу, чтим, апостоле славне, всепразднственную память твою/ и согласно вопиим ти:/ моли Христа Бога грехов оставление даровати чтущим любовь святую память твою.

Слава, и ныне, Богородичен:

Яко Деву и Едину в женах,/ Тя, без семени Рождшую Бога плотию,/ вси ублажаем роди человечести:/ огонь бо вселися в Тя Божества/ и, яко младенца, дойши Зиждителя и Господа./ Тем Ангельский и человеческий род достойно славим пресвятое рождество Твое и согласно вопием Ти:/ моли Христа Бога согрешений оставление даровати поклоняющимся верою пресвятому рождеству Твоему.

Песнь 4

Ирмос: Седяй в славе на Престоле Божества,/ во облаце легце/ прииде Иисус Пребожественный,/ нетленною дланию, и спасе зовущия:/ слава, Христе, силе Твоей.

Величайшим чудес явлением начен/ и догматов Божественных славу светле излагая,/ вселенную объял еси проповеданием, зывающую:/ слава, Христе, силе Твоей.

Яко самовидца ты Слова и теплаго служителя,/ и Того славы и величества свидетеля,/ и яко верна строителя, и апостола/ восхваляем ты, блаженне Фомо, всечестне.

Якоже невестный чертог и скинию Небесную,/ основание на Камени краеугольном утвердив,/ наздал еси, блаженне всеприснопамятне, зовущим:/ слава, Христе, силе Твоей.

Богородичен:

Землю неоранную, Клас жизни возделавшую,/ и облак легкий, тучу, Жизнодавца источившую,/

Всесвятую Деву именуем, зовуще: / слава, Христе, силе Твоей.

Песнь 5

Ирмос: Нечестивии не узрят славы Твоей, Христе, / но мы Тя, Единородне, / Отеческия славы сияние Божества, / от нощи утреннююще, / воспеваем Тя, Человеколюбче.

Осиян, апостоле, славою Христовою / и, ребро животворное осязав, / почерпл еси неизследимую Богословия пучину / и мир обогатил еси.

Не пришел к первому Твоему входу Фома, / не веруя же учеником, веровав же последи, / радуясь, возопи, / Тя, Бога и Господа возвещая, Многомилостиве.

Яко небо одушевленное, славу Твою, Христе, / гробом духовным Фома возопи, / исповедуя и Бога, и Господа, / Тя верным благовести.

Богородичен:

Победителя покажи, Всенепорочная, / ум страстей и помышлений стремления покори сих, Богоневесто, / Бога Рождающая, Спасителя душ наших.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.

Всех неверие, Фомо, душегубное, / неверование твое, блаженне, исцеляет: / ты бо несумненно / гвоздей же и копия язвы испытал еси.

Испустил еси, яко силен, Христе, апостола, / яко стрелу изощрену, / в сердца враг Твоих, Жизнодавче, / и корыстей объятие Тебе сих приведе.

Жертвы идольския, Щедре, упразднил еси, / заклан быв на Древе, / и заколении святыми Богоглабливых апостол, / подражающих Твоя страдания.

Богородичен:

О чудо, всех чудес новейшее: / яко Дева во утробе / всяческая Содержащаго, / неискусомужно зачещи, не тесновмести.

Кондак, глас 4.

Подобен: Явился еси днесь:

Премудрости благодати исполнен, / Христов

апостол и служитель истинный/ в покаянии
вопияше Тебе:/ Ты мой еси Бог же и Господь.

Икос:

Господню ученику и великому тайнопове-
дателю,/ Фоме Богоглаголивому, Петр возопи:/
видехом Господа./ Рече же той: аще не
вижду аз язвы рук Его, не уверую, вопияше
близнец./ Тогда Владыка всех, якоже раб при-
иде, хотя спасти вся, и глаголет Фоме:/ осяжи
руки Моя и ребра и не веруй:/ Аз бо есмь
Господь и Бог твой./ Он же с покаянием возопи:/
Ты мой еси Бог же и Господь.

Песнь 7

Ирмос: В пещи Авраамстии отроцы персидстей,/ любо-
вию благочестия/ паче, нежели пламенем опалѣми,
взываху:/ Благословен еси в храме славы Твоея, Господи.

С вышними ликостояньми, яко апостол, раду-
ясь, ликуеши, блаженне,/ на небесех, воспева-
еши же, веселяся:/ Благословен еси в храме
славы Твоея, Господи.

От конец до конец протече твое вещание/ и
глагол твоих Божественных предложение, зову-
щая научающее:/ благословен еси в храме славы
Твоея, Господи.

Храм был еси ты Троицы, прехвальне,/ темже
и храмы идольския и кумиры разрушил еси,/
апостоле,/ храмы же воздвиг во славу и хвалу
Христа Бога.

Богородичен:

Законныя работы Твоим Рождеством из-
бавихомся:/ Ты бо, Богородице, Избавителя
неискусомужно нам родила еси./ Благословенна
Ты в женах еси, Всенепорочная Владычице.

Песнь 8

Ирмос: Отроки благочестивыя в пещи/ Рождество
Богородичо спасло есть./ Тогда убо образуемое,/ ныне
же действующее,/ вселенную всю воздвизает пети Тебе:/
Господа пойте дела/ и превозносите Его во вся веки.

С Богом беседа во площимся,/ плоть забыв,
явился еси, блаженне,/ премирным же обожени-
ем обогатился еси,/ приближением к Богу
Боготворим,/ и, Господа пойте, зовя, и превозно-
сите Его во вся веки.

Любóвию Христу сочета́всь, / смерть с Ним, блаженне, возлюбил еси, / и со апостолом Твоим идем, вещав, / и с ним смерть при́йдем: / Господа пойте, вопия́, и превозносите Его во вся веки.

Вас Христос апостолы, / облаки вóльнаго дождя показа, / тучами наводняющия Божественнаго познания Церкви, премúдрии, / и напаяющия поющих: / Господа пойте дела и превозносите Его во вся веки.

Богородичен:

Пороков и скверн чиста́ / и всякия святыни еси храм, / Слово Всесвятóе, вся освяща́ющее, / Отцу Собезначальное, породила́ еси́. / Тем Тя, Дево, поем и превозно́сим во вся веки.

Песнь 9

Ирмос: Камень нерукосéчный, / от несекóмыя горы́, Тебе, Дево, / краеуго́льный отсечéся, Христос, / совокупивый разстоя́щаяся естества́. / Тем, веселя́щаяся, Тя, Богородице, величаем.

Колесница светоносная явился еси́ седя́щаго Слова, / на благолепнейшей твоей ду́шй и Богоно́сней носима, / ко спасению, славне, направля́я пою́щих тя.

Твою преблаженную память совершающе, / молим всякаго трево́лнения изба́виться / ходата́йством дерзнове́ния твоего, / еже, яко Христов апостол, имаши, / Боговídче всечестне.

Днесь память твою́ вси, / Фо́мо апостоле, соверша́ем, / освяти и просвети́ верою искуше́ний, и обстоя́ний, / и страстей всяких избавля́я молитвами твоими.

Богородичен:

Кра́сен прозябе́ Клас от земли́ Девическия, / Божие Слово, Имже питаемся ве́рнии, / в Немже и живем и составляемся. / Тем Тя, Рождшую, яко Богородицу величаем.

Светилен.

Подобен: Жены услышите:

Самовídче и апостоле Христа Всецéдраго, / мир даровати всей вселенней и победы воинству нашему, / и прегрешений оставление, и спасение испроси́ ты, Фо́мо, восхваля́ющим / яко ученика Богоглаголива.

Слава, другий.

Подобен: Духом:

Яко солнце востока, индиом послася, Фома апостоле, пресвѣтлое, / апостолов славо, / и тех омрачение светом словес твоих / и Тройческою верою просветил еси. / Тем святую твою и Божественную празднуем память.

И ныне, Богородичен:

Молебницу Ти приводим и теплую Заступницу, / Пречистую Матерь Твою, вернии по долгу: / сподоби рабы Твоя причаститься славы Твоея, Христе, / и праведных наследия, и пищи райския / и даждь Царство Небесное.

На хвалитех стихиры на 4, самогласны,
глас 1. Анатолиево:

Христу последовал еси, Фома апостоле, / и мира небрегл еси, / и Того учения в сокровищи твоём сокрыв, / явился еси апостол. / Тем быв во языцех, / и тех лестию и страстьми омраченныя души / заповедьми Спасовыми просветил еси / веровати в Троицу Единосущную.

Глас 4:

Разума Божественным огнем душу просветил еси, / во всем Владыце подражатель был еси, / яко законен ученик, Фома апостоле: / крестною бо тростию / из глубины неведения нечестивых души извлёкл еси. / Тем и индиов омраченную совесть Божественнаго Духа удицею уловил еси. / Христа Бога присно моли / и нам избавитися от вражия помраченнаго вида / и спастися душам нашим.

Ловитвенную глубину оставив, / ко крестней трости верою притекл еси / и тем вся уловил еси, Фомо апостоле. / Тем и пречистая ребра Слова рукою осязав, / вонзеных гвоздинных язв перстом видети сподобился еси. / Христа Бога прилежно моли всегда / спасти души наша.

Слава, глас 6:

На колеснице добродетелей ездя, / яко колесничник Илиа, показался еси, / Божественнаго Духа огнем разгараем, Фома апостоле: / глубину бо разумнаго моря исследуя, / рыбы уловлял еси, / преводя сих от смерти к животу. / Тем и верных

души просвещая, / тростию крестною от смертоносныя прелести к животу возвел еси; / и, со Безплотными Христу предстоя, / прилежно Того моли о спасении душ наших.

И ныне, Богородичен.
Славословие великое. И отпуст.

На Литургии, Блаженна, песнь 3 и 6-я, на 8. Прокимен, глас 8: **Во всю зѣмлю изыде вещание их, и в концы вселенныя глаголы их. Стих: Небеса поведают славу Божию: Апостол к Коринфяном, зачало 131. Аллилуия, глас 1: Исповедят Небеса чудеса Твоя, Господи. Евангелие от Иоанна, зачало 65. Причастен: Во всю землю:**

